

在文川网... 入... 更多电子书

中國方志叢書·華中地方·第三〇六號

據

清·王開運等修，張修府等纂
同治八年刊本

影印

湖 南 省

清 泉 縣 志

(全)

SK31/01

成文出版社有限公司印行

29
48A
306



10097199

中華民國六十四年 月壹一版

清泉縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

清源縣志

docsriver 文川网
入驻商家 古籍书城

在文川网搜索古籍书城 获取更多电子书

伏讀

欽定四庫全書提要謂武功康書削地志纂溫之習書止
七篇義例分明綱目具括朝邑韓書止二十餘頁上下數
千年包括巨細若有餘閒無曷促束縛之迹此足見文簡
事覈志書之體要在此卽志書之能事盡此清泉志自析
其之始江令君恂纂歸以後迄今百十餘年政由俗遷治
隨時變凡風土人情升降移易月異而歲不同都人士雅
意續修作輟靡常久未蕙事會張東墅觀察權稅來衡王
谷坡大令聘廷筆削閱四月書成不漏不誣不鑿不濫繁
簡得中只有史法洵可與武功朝邑諸志媲美矣抑余更
有說焉夫文獻之流傳風俗之樸靡與夫官司政事之得

失時雖久而不遺事雖細而必錄非徒以網羅放失也閱
是編者誠能省里閭之疾苦考運會之盛衰瞿然以化俗
立民爲己任將因革損益擇善而從斯志也卽以作成憲
之監可也是尤余所深望也夫

同治八年四月中澣衡州府知府海甯張士寬撰

清泉縣志目錄

卷首

輿圖 城廂 鄉都

詳文

卷一

地理 疆域 星野 沿革 山川

卷二

建置 城池 街巷 官署 倉廩 公廨

卷三

祠祀 壇壝 冢墓 寺觀

卷四

清泉縣志 目錄

卷五

貢賦

戶稅

積儲

鹽政

學校

規制

額例

租稅

卷六

官師

秩官表

卷七

選舉

計日

功舉

卷八

人物

卷九

人物

忠義傳

文苑傳

孝義傳

卷十

藝文
書目
金石

卷末

事紀
兵事
祥異

雜識

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

清泉縣志凡例

一圖列卷首志體相沿分繪城廡鄉都便觀覽也茲錄分縣案內府詳以彰初哉首基之義

一地理爲周禮職方之遺官守所繫當使開卷瞭然茲就專屬本境者條列於前與衡陽公共者略陳於後

一建置祠祀貢賦學校仍舊志損益之戶口列貢賦風俗附學校古人勤民勸俗之意庶不失其本來

一官師選舉悉從分縣始人物諸傳及藝文內著錄書籍斷自乾隆以別於衡陽志也論人須沒在乃定詩文撰述亦然凡生存者概不錄

一事紀略舉往跡詳述近事分縣之志固有體矣雜議則

稗官家言不拘繩尺然已見衡陽志者不復贅也

一舊志繕刊行列間有參差茲爲審定正文頂格總目小
序低一格子目及原案低二格續案低三格正文序目
大書注案雙行遇應擡寫處正文跳行餘空格官書之
式不容苟簡爾

清泉縣志卷首

輿圖


序曰輿圖蓋周官之制晉裴秀唐李吉甫輩踵事益精
迨我朝內府圖出揆中星以定方位至爲詳備志乘
所載猶卷勺耳然廣輪之數名勝之區實藉以攷證非
僅供少文臥遊也舊志十圖今以城廂鄉都括其大略
仍列卷首聊爲采風者資一得云爾



城廂圖

城內雍和坊之半
城外東門外屬清泉

江東鎮同雁門至清門外
及江東鎮總石東門



城濠自回雁門迤西
而北至塔子溝止

縣學宮在
塔子溝外

外城自安西門外迤南
至回雁門珠瑯巷止

回雁峯
接龍山

醫學試院
縣署

縣署
清泉沅祀總者


書院
府學宮

回

塔子山


鄉志圖

東西一百十里
南北八十里



docsriver 文川网
入驻商家 古籍书城

在文川网搜索古籍书城 获取更多电子书



分縣詳文

縣制詳詳
縣制詳詳

序曰 國初郡邑多仍明制中葉乃漸有分析蓋吏治
 隨民俗為繁簡揆時量地誠宰世之大經也清臬設縣
 迄今百餘年生聚阜蕃訟獄衰息時與盛哉 廟謨深
 遠矣陳文恭公奏疏舊志未載徧考縣牘得詳彙一通
 錄之為一邑掌故之始亦使服疇食德者識所自來云
 乾隆二十一年七月日衡永郴桂道兼攝衡州府知府孔
 傳祖為詳齋分縣清冊事本年五月二十二日奉前
 鈔案內開奉撫部院札開准吏部咨文選司案呈內閣
 鈔出湖南巡撫陳等奏請設新縣等因乾隆二十一年二
 月初十日奉

殊批該部議奏欽此臣等會議得該撫奏稱衡州府衡陽縣係衝繁疲難四項相兼最要缺錢糧漕折十萬有奇地廣民稠訟案太繁知縣日不暇給歷任撫臣會議分縣因需費浩繁中止近年又議將衡州府同知移駐縣西之查江管理民事以分衡陽之繁難臣親往相度查江煙戶偏近溪河難建衙署若擇地另建費仍不貲且無城垣防範亦非長策旋據該府縣稟請將同知改爲知縣卽於府城分建縣治等情臣飭行布政使按察兩司會同衡永郴桂道定議具詳今據詳稱附府之縣同城分治各省多有現在衡州知府及同知通判均在一城請將同知捕務歸併通判管理裁去同知改設知縣與衡陽畫疆而理以東南二

鄉統歸新縣一切地界人戶正雜錢糧按都分撥兩縣適
均同知俸薪減給新縣所餘銀兩留撥祭祀之用惟同知
衙門在府衙之內不便改作縣署查府衙右側有久裁之
推官署基可以移蓋再既設知縣必須添設典史添蓋監
獄倉廩查衡州府原有司獄一員今新縣署卽在府旁府
審之犯可禁縣監府司獄可裁改爲典史卽以府監作縣
監府倉內撥給數間可作縣倉禁卒庫子斗級等役均可
改撥其

又府則新舊兩縣同城照例無庸分建卽以衡陽訓導改
爲新縣訓導門斗齋夫照舊分撥衡陽原係大學文武學
額各二十名今分兩縣擬照本省安福分縣之例將衡陽

改爲中學減去八名新縣亦擬照中學定爲十二名廩增
照例辦理驛站夫馬仍隸衡陽無庸新縣分管衡陽係附
府首縣通省均定養廉銀一千二百兩新縣應同一律除
將同知養廉六百兩改給外不敷之數請於空缺養廉項
下撥給府司獄養廉卽可作新縣典史養廉無庸增添分
縣以後衡陽錢糧漕折仍不下五萬案牘尚繁請仍爲四
項相兼最要缺新縣擬爲繁疲難兼三要缺至衡陽所屬
之查江地方界連衡山湘鄉邵陽邵陽等縣距各縣治窵
遠易藏奸宄擬以衡陽縣丞移駐該處稽查彈壓附近村
莊逃盜賭博鬪毆等事聽該員就近辦理命盜案仍歸知
縣招解縣丞員缺照本省湘潭等縣移駐縣丞之例在外

調補新移縣丞衙署卽將在城衙署改建衛州協副將駐紮府城新縣汛防弁兵亦可就近分撥等因到臣臣查衡陽分縣久有成議體察地勢輿情實爲當務之急茲據詳各情城垣不須另建官役衙倉廉俸等項無事加增而兩縣分治耳目易周庶幾政平訟理一轉移閒於官民均有裨益理合奏祈

聖鑒如蒙

垂允恭候

欽定嘉名並頒新印所有分縣事宜錢糧細數容臣造冊具題等因臣等查衛州府屬之衡陽縣該撫等旣稱地廣民稠訟案太繁知縣日不暇給請將同知改爲知縣卽於

府城分建縣治據司道會詳云云應如該撫所請衡州府
同知准其裁汰其捕務歸併通判管理卽於府城內添設
知縣一員與衡陽畫疆而理東南二境統歸新縣一切地
界人戶正糧錢糧仍令該撫分晰造冊咨送戶部查核同
知俸薪除減給新縣外據該撫奏稱畱撥祭祀之用但畱
爲何項祭祀動用之處並未聲敘應令查明另報禮部核
辦新設知縣衙署准將同知衙署移蓋推官署基衡州府
司獄准其裁汰改爲新縣典史卽以府監作爲縣監應設
倉廩准在府倉內撥給數間作爲縣倉其額設倉糧作何
辦理之處應令該撫查明另報戶部核辦新舊兩縣旣係
同城其

文廟照例無庸分建衡陽縣訓導准改爲新縣訓導門斗齋夫照舊分撥衡陽縣取進文章原額查雍正二年由大學議照府學之例定爲二十名今分設新縣地不加廣人不知眾學額未便加增應令照原額各分一半衡陽十名新縣十名該撫所請照中學各取十二名之處應無庸議原額廩增亦應各半缺出照例揆補分撥其出貢年分查縣二年一貢衡陽原額廩生二十名今既各半分撥仍應二年一貢迺較食餼深淺兩縣輪流間出舊廩貢完新補之廩亦照此辦理至取進武童原額止十五名該撫所請兩縣各取十二名等語與原額及歷年造報學冊不符應令查明中覆到日另議驛站夫馬准其仍歸衡陽管理無



庸新縣分管新縣知縣應給養廉銀該撫議照通省附
府首縣均定養廉銀一千二百兩之數戶部查與定例相
符應如所請惟應給銀一千二百兩除裁汰同知養廉銀
六百兩改給外其餘不敷銀六百兩據該撫請於空缺養
廉項下撥給查此項係前撫奏明按年發給采買永綏協
兵米腳價之用未便移撥應令在額設養廉銀內另支報
明戶部核銷新縣典史養廉准以府司獄養廉改給無庸
增添衙門縣准其仍爲同項相兼最要缺新設之縣應如
所擬繁要雜兼三要缺許冊衡陽縣丞差其移駐查江地
方稽查彈壓附近村莊巡盜賭博賭博等事該員就近
辦理命盜案仍歸知縣招解縣丞員缺准其在外調補新

移縣丞衙署准將在城衙署改建新縣汛防弁兵准由衡陽協副將就近分撥再衡陽縣丞既准移駐查江衡陽訓導改爲新縣訓導其現任縣丞陳逢泰現任訓導李源長是否勝新移縣丞新設訓導之任俱令該撫查明咨部另議裁缺之衡州府同知張景載府司獄沈欽夏應令該撫查明各員有無未清事件分別給咨赴部同籍另補其新設之縣俟

命下之日移揭內閣選擬嘉名進呈恭候

欽定並移咨禮部鑄給新印以昭信守其餘一切分縣事宜及錢糧細數等項統俟該撫等具題到日再議等因覆奏乾隆二十一年四月初十日奉

旨依議欽此欽遵移咨到院行司合就檄行仰官府吏即
飭欽遵並查明分別辦理等因奉此當經前府舒守成龍
轉飭查辦去後攝府視事查案檄催茲據衡陽縣知縣徐
堂委員常甯縣知縣江恂會詳前來並將分撥新縣村莊
煙戶民屯地丁南漕驢腳里納漕費耗羨解支撥補俸工
牙當雜稅倉穀社穀鹽引及衙署工料城垣丈尺
文廟祠宇塘房渡口鄉紳文武生員各項清冊申齎到府
攝府覆查無異理合備由詳齎憲臺俯賜查核轉請題達
深爲公便除詳臬憲外伏乞照詳施行須至詳者

清泉縣志卷一

地理

序曰王者辨方正位度地居民後世析置方隅猶存斯制况審其險易以備不虞尤守土之所重哉縣由衡陽分建雖勦實因然疆域上都鎮市山川區以別矣目迷之誚其敢蹈諸至形勢星野沿革已具衡陽志附著於篇記纂之體應爾

疆域

東西一百一十里南北八十里

湖南通志南北表一百五十五里

東至安仁縣潭湖鋪一百二十里到安仁縣治一百五十里南至常寧縣柏坊鋪八十里到常寧縣治一百一十里

docsriver 文川网
入驻商家 古籍书城

在文川网搜索古籍书城 获取更多电子书

西至衡陽縣治一里北至衡陽縣長沙嶺四十里東南至
耒陽縣春江鋪一百里到耒陽縣治一百五十里西南至
永州府祁陽縣排山鋪九十里到祁陽縣治一百九十五
里東北西北皆接衡陽縣境

距湖南省城三百七十五里湖廣省城一千里
京師四千九百五十里

里都

里都本兼坊廂而言衡陽舊編戶四十五里城內雍和坊
城外東廂鄉都四十三各分里甲

國朝康熙中編區廢甲更定都名乾隆二十一年析置清
泉縣割東南境屬焉城內雍和坊之半

南門至北門中街
判道西屬衡陽東

豐清 城外東廂 瀟湘賓日閱江側雁 鄉都十七 自二十三

都九

鎮市

鎮一

江東鎮湘水東岸值瀟湘賓日閱江三門

市二十六

泉谿市縣東三十里安仁路

江恂舊志原案谿為耒水所經而過市五里即清泉山山泉匯耒水成谿也衡陽王夫之詩又作前谿

茶阜市縣東五十里

堆子嶺市縣東五十里耒陽路

陸堡市縣東六十里

陸堡市縣東六十里